

# PAUL

Poème en Vers Provençaux,  
(Patois des environs de Draguignan)

**Casimir DAUPHIN.**

PAUL.

*A mon excellent ami MOUTTER.*

I

Paul avie l'amo simplo, hurouso!  
Content de sa vesto terrouso,  
Ero, eme lou bechar, ou l'estevo à la man,  
Gaï coumo un jour d'abriou, fier coumo un artaban.

II

Eimavo à passegear su l'herbo parfumado,  
A suivre lei vallas bourdas de saouvis verts,  
Escoutar dins lei pins soufflar la mistrarado,  
Et veire, d'ouo couchant d'uno bello journado,  
Lei cascados de fuè belugar dins leis airs.

III

En partent lou matin, quand lou Quarri devalo,  
Su lou drayoun luzent dei perlos de la nuè,  
Sublavo, coumo un merle, espinchant dins la jalo  
L'aubo lançant soun proumier fuè.